

林和靖集

一函
二冊

林和靖集

欽定四庫全書總目提要

和靖詩集四卷宋林逋撰逋事蹟具宋史隱逸傳其詩澄澹高逸如其為人史稱其就橐輒棄去好事者往往竊記之今所傳尚三百餘篇茲集篇數與本傳相合蓋當時所收止此其他逸句往往散見於說部及真蹟中劉克莊後村詩話謂逋一生苦吟自摘出五言十三聯

今惟五聯見集中如隱非秦甲子病有
晉春秋水天雲黑白霜野樹青紅風回
時帶笛煙遠忽藏村及郭索鉤輈之聯
皆不在焉七言十七聯集逸其三使非
有摘句圖旁證則皆成逸詩矣今摘句
圖亦不傳則其失於編輯者固不少也
是集前有皇祐五年梅堯臣序康熙中
長洲吳調元校刊之後附省心錄一卷

實李邦獻所作誤以為逋今為考辨釐
正別著錄子部中而此集則削之不載
焉

林和靖先生詩集序

太常博士梅堯臣撰

天聖中聞錢塘西湖之上有林君蘄蘄有聲
若高峰瀑泉望之可愛即之愈清挹之甘潔
而不厭也是時余因適會稽還訪於雪中其
談道孔孟也其語近世之文韓李也其順物
玩情為之詩則平淡邃美詠之令人忘百事
也其辭主乎靜正不主乎刺譏然後知其趣

向博遠寄適於詩爾君在咸平景德間已大有聞會朝廷脩封禪未及詔聘故終老而不得施用於時凡貴人鉅公一來語合慕仰低回不忍去君既老不欲強起之乃令長吏歲時勞問及其歿也謚曰和靖先生先生少時多病不娶無子諸孫大言能掇拾所為詩請余為序先生諱逋字君復年六十二其詩時人貴重甚於寶玉先生未嘗自貴也就輒棄

之故所存者百無一二焉於戲惜哉皇祐五
年六月十三日

卷六 月十三日

六 月十三日

六 月十三日

六 月十三日

六 月十三日

六 月十三日

六 月十三日

六 月十三日

宋史本傳

林逋字君復杭州錢塘人少孤力學不為章句性恬淡好古弗趨榮利家貧衣食不足晏如也初放遊江淮間久之歸杭州結廬西湖之孤山二十年足不及城市真宗聞其名賜粟帛詔長吏歲時勞問薛映李及在杭州每造其廬清談終日而去嘗自為墓於其廬側臨終為詩有茂陵他日求遺稿猶喜曾無封

禪書之句既卒州為上聞仁宗嗟悼賜諡和靖先生賻粟帛逋善行書喜為詩其詞澄澹峭特多奇句既就稿隨輒棄之或謂何不錄以示後世逋曰吾方晦跡林壑且不欲以詩名一時況後世乎然好事者往往竊記之今所傳尚三百餘篇逋嘗客臨江時李諮方舉進士未有知者逋謂人曰此公輔器也及逋卒諮適罷三司使為州守為素服與其門人

臨七日葬之刻遺句內壙中逋不娶無子教
兄子宥登進士甲科宥子大年頗介潔自喜
英宗時為侍御史連被臺移出治獄拒不肯
行為中丞唐介所奏降知蘄州卒於官

[illegible]

林和靖先生墓堂記

元錢塘葉森撰

和靖先生墓在孤山宋紹興間建四聖延祥
觀詔勿徙墓後賈似道葺祠宇命金華王庭
書和靖先生墓五字表墓道林泳為記元僧
楊總統徙延祥祠墓無預至元己卯江浙儒
學提舉余謙德撫命西湖書院山長陳泌汝
泉同森脩葺之復言於憲屬以達憲到楊公

翼飛各捐奉助森因偕士人陳子安王思齊
朱信甫韓伯清朱晉齊莫景行張景仁僧本
初如志道流王眉叟張伯雨作祠堂庖湍而
西湖書院特建一亭錢唐尹趙名淵復建墓
前屋始於是年四月廿三日成於五月十三
日是日祀以少牢名其軒曰鶴軒翼飛書扁
又得張南軒先生梅軒二字揭諸亭植梅數
百本於山之上下子安持一鶴為山中榮因

致告先生曰昔人以先生遊觀之所匪鶴不能今人以先生神遊之所亦匪鶴不能故獻茲禽方其號處士溝適集賢學士揭公曼碩奉詔祀南鎮弭節葛嶺捐助百千衆因名學士溝揭公遂書學士溝三字并為文記之於是開莎地疏僕夫泉脩瑪瑙坡揭處士橋監察御史趙公宗吉書門額及堂復與御史張公國禎移檄請謚而春秋祭之于時行參知

政事吳公彥弘偕廉訪司諸公并士人僧道
祭告不絕德撫命森書辭於石并撰歲祀文
仍檄森主奉祠事以邵壽方成亦嘗効力俾
為掌墓之職并設門子二人取米於嘉湖宜
興平江四學量給之焉至正七年杭州路總
管趙公國器增蓋一亭德撫又建巢居閣于
亭後云